

Sakewêreld het steeds te min vroue in top-poste

René Vollgraaff, Johannesburg

Suid-Afrikaanse vroue trek steeds aan die kortste ent wat lei-ersposte in die sakewêreld betref, maar hulle is daar heelwat beter daaraan toe as vroue in baie ander lande. Volgens die sakevroue-vereniging (BWA) se 2010-sensus oor vroue in leierskap is slegs 19,3% van uitvoerende bestuurders in die land vroue. Dit is ten spyte daarvan dat 51,6% van die volwasse bevolking vroue is en 44,6% van werkende Suid-Afrika-ners vroue is.

Dit is effens beter as verlede jaar se 18,6%, maar beduidend swakker as 2008 se 25,3%.


Kanada se 16,9%, die VSA se 13,5%, en Australië se 10,7% steek wel sleg hierby af.

“Uitvoerende bestuurders be-heer maatskappye se dag-tot-dag-bedrywighede en is meestal ver-antwoordelik vir die sukses of mislukking van ’n maatskappy,” lui die BWA se verslag oor die 2010-sensus.

“Hulle is die mees senior be-sluitnemers in enige onderne-ming, naas die direkteur, en is die logiese keuse om direkteure in hul eie maatskappye en ander maatskappye op te volg.”

Slegs 16,6% van alle direkteure is vroue en die 15 vroue-uitvoe-rende hoofde en direksievoorsit-ters in die land is ’n skamele 10,5% van die totaal.

Staatsentiteite vaar steeds baie beter as private maatskappye wat die verteenwoordiging van vroue in leiersposte betref.



Mnr. Jimmy Manyi, direkteur-generaal van arbeid en president van die Black Management Forum (BMF) tydens die bekendstelling van die sa-kevreuevereniging (BWA) se sensus oor vroue in leierskap.

Foto: RENÉ VOLLGRAAFF

Altesame 36,6% van alle direk- sieposte wat deur vroue beklee word, is in die direksies van staatsentiteite teenoor 15,6% in die direksies van JSE-genoteerde maatskappye.


Die staatsbeheerde Lughawens- maatskappye van Suid-Afrika (Ac- sa) het die heel beste gevaar in die 2010-sensus met 63,6% vroue-di- rekteure.

Spescom, wat op die JSE geno- teer is, is tweede met 61,5%, ge- volg deur Mix Telematics Africa met 60%, Datacentrix met 55,6% en Alexkor met 50%.

Van die 25 top-maatskappye op die JSE het Impala Platinum die beste gevaar met 40% vroue-di- rekteure.

Volgens die sensus is daar maatskappye wat géén vroue-uit-

Vroue in sake



voerende bestuurders of -direk- teure het nie. Dit sluit die kon- struksiegroep Aveng, die nywet- heidsgroep Grindrod, die land- boumaatskappye Crookes Bro- thers en die verbruikersgoedere- groep Taste Holdings in.